

XOTIRA ABADIY VA BARHAYOT

Toshkent shahar Sergeli tumani 237- umumiy o`rta ta'lim maktabi

Boshlangich ta'lim o`qituvchisi

Sevara Shamsutullayeva Tairdjanovna

Annotatsiya: Mazkur maqolada 9- may xotira va qadrlash kuni munosabati bilan Toshkent shahar Sergeli tumani 237- umumiy o`rta ta'lim maktabida o`tkazilgan tadbir to`la yoritilgan bo`lib, soha hodimlari va barcha o`quvchi yoshlar uchun mazkur sananing asl mohiyatini ochib berishga hizmat qiladi. Maqolada 9-may sanasining o`ziga xosligi va tinchligimiz uchun ahamiyati to`la yoritilgan

Kalit so`zlar: Tarix, kelajak, buyuk siymolar, urush qurbonlari, o`quvchi onggi, vatanga muhabbat, fidokorlik

Ajdodlarni xotirlash va keksalarni e`zozlash, ulug` qadriyat hisoblanib, bu borada mamlakatimizda har yili qabul qilinayotgan dasturlarda yoshi ulug`, nuroniylarga bo`lgan hurmat, e`tibor diqqat markazidadir. 9- may yurtimizda keng miqyosda “Xotira va qadrlash kuni” katta tantanalar bilan nishonlanib 1941-1945 yillar urush va mehnat frontida tinchlik uchun kurashib halok bo`lgan jasur va matonatli o`g`lonlar hotirasi yod etiladi hamda urush va mehnat frontida jasorat ko`rsatgan nuroniylarimiz e`zozlanishi xalqimizga xos qadriyatlar ko`zgusi sanaladi. Nuroniylarga g`amxo`rlik ko`rsatish, ularni holidan xabar olish, ularni har tomonlama qo`llab-quvvatlash kasaba uyushmalarida an`anaga aylangan. “Xotira va qadrlash kuni”ni munosib kutib olish va nishonlash maqsadida O`zbekiston Respublikasi Axborot texnologiyalari va kommunikatsiyalarini rivojlantirish vazirligi, O`zbekiston axborot texnologiyalari va ommaviy kommunikatsiya xodimlari kasaba uyushmasi Respublika kengashi hamkorligida joriy yilning 6-8 may kunlari qator urush va mehnat fronti fahriylari, nuroniylar, afg`on urushi qatnashchilari xolidan xabar olishni rejalashtirgan. Yurtimizning bugungi tinch-osoyishta hayoti uchun jasorat ko`rsatib fido bo`lgan vatandoshlarimiz xotirasini yot etish esa eng oliy vazifamizdir. Zero “Inson aziz, xotira-

muqaddas”dir. Toshkent shahar Sergeli tumani 237- umumiy o`rta ta'lim maktabida ham mazkur tadbir keng miqyosda nishonlandi. Maktab hududi mazkur tadbir kayfiyatini beruvchi jihozlar va vositalar bilan bezatildi va har qaysi o`quvchida o`zgacha zavq-shavq uyg`otdi. Sinfxonalarda o`tkazilgan darslarda ajdodlarimizning buyuk hizmatlari alohida esga olindi va mazkur sananing asl mohiyati o`quvchilarga ochib berildi. Sevara Shamsutullayeva rahbarligida boshlang`ich sinfda o`tkazilgan tadbir o`zgacha kayfiyatda o`tdi. O`quvchilar mazkur bayramning o`ziga xosligini va ajdodlarimizning buyuk hizmatlarini sher va qo`shiqlar, turli xil sahna ko`rinishlari orqali ochib berdilar. O`quvchilar ijrosidagi tinchlikni tarannum etuvchi qo`shiqlar butun tadbir tomoshabinlarini vatanga nisbatan muhabbatini yana bir bor oshirdi. Jajji qizaloqlar ijrosidagi raqs esa barchaga o`zgacha kayfiyat baxsh etdi. Mazkur tadbir o`quvchi yoshlarga tinchlikni va uning asl qadrini anglashda turtki bo`ldi.



Kirib kelgan qutlug` kun, 9 may – Xotira va qadrlash kuni munosabati bilan b fahriylarimizni, aziz yurtdoshlarimizni tabriklash barcha o`quvchilarga eslatildi.

Xotira bor ekan – millat barhayot. Insonga har kuni tinchlik-osoyishtalik va xotirjamlik kerak. Tinchligini yo‘qotgan xonadon ham, mamlakat ham aslo xotirjam bo‘la olmaydi. Tinchlik-xotirjamlik – taraqqiyot garovidir.

Inson, millat va xalq tarixiy xotira tuyg‘usi bilan barhayotdir. Xotira – kechagi o‘tmishni, ajdodlar o‘gitini, milliy merosimizni anglatib turuvchi – muqaddas kitob zarvaraqlaridek hayotimizni yoritib turadi. Qadr – insonni yuksaklikka ko‘taradi, uning faoliyatiga, orzu-intilishlariga, maqsad-maslaklariga olijanoblik bag‘ishlaydi. Bukilmas iroda va jasorat namunasini amalda namoyon etib, o‘z hayotini aziz Vatanimizning har tomonlama ravnaq topishi, bugungi tinch va osoyishta kunlar uchun jonini fido qilgan ajdodlarning muqaddas xotirasini yod etib, ezgu ishlarini davom ettirish, safimizda yurgan keksalarni e‘zozlash – odamiylikning eng oliy mezoni va bizga tinchlik, omonlik kerak, deb yashaydigan bag‘rikeng va olijanob xalqimizga xos azaliy qadriyatdir. Biz azal-azaldan tinchliksevar xalqimiz. Aynan shu g‘oya targ‘ibiga bag‘ishlangan buyuk milliy ma‘naviy merosimiz bor. Ularning barida tinchlikning qadriga yetish targ‘ib etiladi, urush esa batamom qoralanadi. 9-mayni Xotira va Qadrlash kuni tarzida umumxalq bayrami sifatida nishonlab kelayotganimiz zamirida ham aynan ana shu ezgu maqsad yotibdi. Hamon oramizda qanchadan-qancha urush qatnashchilari, front ortida mehnat-mashaqqat chekkanlar bor. O‘tganlarni xotirlash, safimizda yurganlarning esa qadriga yetish kerak. Fashizm ustidan qozonilgan g‘alabada xalqimizning ham mardonavor va salmoqli hissasi unutilmas haqiqatdir. 9-may – Xotira va Qadrlash kuni Ikkinchi jahon urushining ayanchli oqibatlarini unutmashlikka, tinchlik va osuda hayotning qadriga yetishga, Vatanga sadoqat hissi bilan yashashga, shuningdek, doimo ogoh va hushyor bo‘lishga, tarixiy xotiraga sadoqat ruhida tarbiyalashga xizmat qilib kelmoqda. Muxtasar qilib aytganda, ajdodlar ruhiga hurmat xalqimizning eng oliy fazilatlaridan biridir. Xotira – muqaddas va aziz tuyg‘u. Xotirlash bu har bir insonning yaqinlarini qadrlash, bu olamdan o‘tib ketgan insonlarni eslash va ularning xaqqiga duo qilishdir. Xalqimizda “Qadr etgan qadr topadi”, degan naql bor. Haqiqatdan ham, inson o‘zgalarga samimiyatda bo‘lib, hurmat-ehtiromlar ko‘rsatsa, o‘zi ham atrofdagilarning shunday munosabatiga sazovor bo‘ladi. Vatan ravnaqi, xalq osoyishtaligi uchun xizmat qilgan el fidoyilari esa ezgu amallari sabab umrbod kishilar yodidan o‘chmaydilar.

Nomlari hamisha e'zoz bilan tilga olinib, xotiralari mangulikka muhrlanadi. Fashizmga qarshi urushda mardonavor jang qilgan, og'ir mashaqqat va musibatlarni boshdan kechirgan qahramonlar va xalqimiz asrlar davomida orzu qilgan erkinlik uchun o'z jonini qurbon qilganlar xotirasi hamisha yodimizdadir albat. Vatanini himoya qilishda jonini fido qilgan, xalq orzu qilgan erkinlik uchun kurashgan milliy qaxramonlarimizni ruhi oldida yana bir bor ta'zim aylaymiz.

Foydalanilgan adabiyotlar:

1. INSONHUQUQLARI.UZ
2. Mirzaahmedov M., Rahimqoriyev A., Ismoilov Sh. "Mangu siymolar". -T.: "O'qituvchi", 2017.
3. G`ulom Mirzo. "**Ey, darvesh (Zulmni yenggan mazlumlar qissasi)**" 1992 yil.
4. Alixonov S. « TARIX VA KELAJAK » Qayta ishlangan II nashri. T., «O'qituvchi» 1997 yil.